



220199

kat.komp.



Mag. St. Dr.

P

Teol. 5208

Tarczewski Joannis Stanislaus Thaumaturgus
Sapientiae et virtutis Olympionices ad metam
immortalis gloriae decursus D. Joannis Can-
tino-

T

S

C

Ad

D

I

C

R E

A

Jn f

M.

Philas



THAVMATVRGVS SAPIENTIÆ & VIRTVTIS OLYMPIONICES

Ad metam immortalis gloriæ decurens.

D. JOANNES CANTIVS

CONFESSOR REGNI POLONIÆ PATRONVS

Anno festiuitatis suæ recurrente die

In Ecclesia Collegiata B. M. Virginis Posnaniensi

In frequentissima Magnorum Hospitum & Perau-
sti Capituli Posnaniën: præsentia

A

M. IOANNE STANISLAO TARCZEWSKI
*Philosophiæ Doct: Pòdscos in Posnaniensi Acad: Professore, Contubernij
Szoldrzejani Præfeto.*



Cultu Panegyrico CELEBRATVS.

Anno salutis M. DCCXII. 19. Octobris.



Typis Academiæ Posnaniën:

In Auitum Insigne
 ILLVSTRISSIMÆ DOMŪS
 RIDZINSCIANÆ
 Epigrammatica inscriptio



Candida RIDZINIIS quæ fulgent LILIA Campis
 Ver Patriæ referunt, dira nec obstat hyems
 Hinc Laurus, hinc ferta Sacri nascuntur Honoris
 Hinc venit emeritis digna corona genis
 Victores redimit, Lechici Proceresq; Senatus
 Nunc sit Præfuleis prodroma vera Mitris.

220199 III

Observantissimus Nepos
 Franciscus in Malczewo Malczewski Pdes: in Acad:
 Posn: Studiosus.



PERILLVSTRI ac REVERENDISSIMO DOMINO

D. JOANNI

Comiti de Wierzbno

RYDZYNSKI

GNESNENSI POSNANIENSI

CANONICO

ARCHIDIACONO SREMENSI

PRÆPOSITO WSCHOVENSI &c.

Patrono singulariter colendissimo.

Laboratum gratiarum opus, albo demissum Olympi vertice. stupendum in via
Olympionicem, fortunatissimum celesti in Patria comprehensorem Thaumatur-
gum Nostrium Patriarcham CANTIVM Gratia Tua qua Nomen Tuum
circumstat adiungo. Maxima Literatorum gloria Perillustri & Reveren-
dissime Domine. Non aliud quippe poterat precurrere felicius Atleia hic Divinissi-
mus præterquam ed. quod Cuium salus, Regni securitas Ecclesie decora festinant in odo-
rem suavitatis. Volupe illi erit dulces horas consumere nec sciet in deliciis habere mo-
dum, ubi gratia veris perpetua. Inter amenas horti delicias candentia Lilia elegis (flo-
res namq. hi omnia pura sapient) Dilectus IOANNES. Implevit me hercule longè
lateq. parentes Polentia oras suavissimi Nominis Domus Tuae illustrissima odor. Stupet
orbis

Orbis ut migni sanguinis; ita decorum Heredes, augusta meritis in Rempublicam Bello
 seu pace Trophæa proferentes. Nimirum perenne in pace decus in Bello præsidium expli-
 cantes. Et ut Te quamvis id non ambias & Augusta Domus Tua molem à basi quâ ste-
 tit & sacula numerat incipiam: Wierzbna primum stirpi huic dedit Comites, qui No-
 bilissimi sanguinis Tui iecere fundamenta ut exterorum visulos Polonia quoq; in suis re-
 censeret: nec peregrinae & alio sole calentes Gentes haberent quo Lesbiam superarent.
 Illustria sanè Comitum de Wierzbna Nomina, Excelsæ Tuæ Propagini dedere originem,
 quorum felicitas Paranympham Regibus Poloniarum fortunam exhibere tunc poterat, cum
 Reginas in vita Thorig socias ex Hungaria adduceret: adeoq; ipsam Purpuram RYDZY-
 NIO Nomini in Proavis obligatam in Nepotibus Inquilinam agnoscit posteritas. stupendum
 in Natiuis Tuis LILIIS legent Posterici candorem, mirabuntur Sacula ubi veneranda Illu-
 strissima Domus Tuæ canities, antiquitatis suæ exaggerata deducit iura. Non unum hîc
 Patria legit Florem in cuius odorem Insula & Curules longâ serie velut ex conducto per
 tot sæculorum intervalla currebant audissimè. Florida quippe Domus Tuæ gloria est, quam
 superum benevolentia, celiq; fauor irrigat, quam hostilis error alluit Marte RYDZY-
 NIO jussus de cervicibus barbarorum. Ut Marte & Arte, Sago & Toga, illustre Genus proba-
 retur, ad invidiam presentium, admirationem posterorum. Memorant dulci recordatione
 Annales Sarmatici, & Musa vetat mori dignum laude Virum IOANNEM RYDZY-
 NSKI tam Gratiis quàm victoriis enutritum nomen, cuius immortalis gloria Hoiniciensi
 Marte triumphat, etiam Principum victrix, ubi Principem Zegensem, heroâ manu
 prostravit totq; alios inuictis repressit pectore; ne cara Patria suæ viscera, nefario per-
 rumperent ausu; maiora daturus, ni lubrica incerta sortis alea alternas mutaret vices,
 victoribus cum Lauræ vitam eripiens, animam cum trophæis. Cui magno simul cum
 Cancellario Regni, totq; aliis summorum Nominibus parentales cupressos feralisq; oleas
 pulchra pro integritate Patriæ mors crexerat cui nuper triumphator Mars testes forti-
 tudinis Colossos, posuerat quibus plus Vltra magnitudinis charactere inscribi poterat ni tra-
 bales has gloriæ notas inuida summis fata sanguine proprio deleuissent. Et ANDREAM
 RYDZYNSKI silentio præterire nefas quem digna fastis facta æternitati commendant
 quem Palatinatus Poseniensis capax illustri genio censuerat ut Vladislai Quarti Re-
 gum Optimi Electionem subscripsisset, ut suo tunc libera vocis & manû calculo eo pertine-
 ret, quo rara cum citavit virtus, æquissimo meritorum intuitu. Quid memorem inu-
 mera alia magnorum Nomina, immensa deducta serie novam scilicet Iliadem ad nucleum
 evocaturus si exigua hæc paginâ includerem tot capitum immensitates qua grandioribus
 fastis vix queant comprehendere Virum Auita virtutis & gloriæ successorem GABRIELEM
 RYDZYNSKI Proavum Tuum meritis & gloriâ omnia complexum, & Martio Nomi-
 ne ac spiritu inclitum vidit & stupuit antea cæta ætas. Celebrat fama animi magnitu-
 dinem summorum in Patria honorum capaciissimam, quem unum dixisse sufficit LVCAM
 RYDZYNSKI Pincernam Calissiensis Magnum Parentem Tuum ex omnibus optimum,
 in quo virtutes simul omnes vigeant qua singula in omnibus prædicantur: cuius immor-
 tale decus pretium nomenq; perenne ipsam immortalitatem vectigalem habet. Reliquit
 Te suarum virtutum & meritorum Heredem Perillustre ac Magnifice Domino
 CAROLE RYDZYNSKI Pincerna Calissiensis Surrogate Castrî Poseniensis Iudex. Te
 intra Patriam centeculum Argum, extra inuictum Achillem, Iuris nodos & anigmata sol-
 ventem Consuem, in Themide Tuâ, Lyncemq; ad quavis causarum circumspæctum momen-
 ta miratur & veneratur Orbis Polonus. Est Tibi ALEXANDRO nostro alter He-
 phæstio similior ALBERTVS RYDZYNSKI, qui Marti iniiciatus triumphali-
 bus maiorum suorum vestigiis insistens ad Avita Paternaq; decora cum Milciadis The-
 mistocles

missiles Trophæis excitatus contendit Exoticarum Gentium mores & instituta
serio perscrutatus. Promicat Magna Parente non minor Filius STANISLA-
VS RYDZYNSKI heroica virtute, & illustribus ubiq; manubii onustus: Ivis
cum Christiana rei statuere Serenissimo ac Inuisissimo IOANNE Tercio,
contra Bistonias acies roburq; stupendum Barbarici fastus nullum rectius iter esse ad
immortalitatem & gloria Capitolium ratus, quam per calcata hostium capita. Enim-
vero quis Astra Augusta Domus Tue Perillustis ac Reuerendissime Domine
numerare presumat? & in computum vocare Heroes extra communem mortalium nu-
merum repositos cum magnorum nomina & pene Divinitatem gestorum equâ in maie-
state coronare panegyri summis in Regno sapientia Phæbi musarumq; sacra colentibus
labor est & summi moliminis Argumentum. Vnum ego Te ante alios venerer votorum
meorum meta & corona Perillustis ac Reuerendissime Domine Excelsa Indoles
Tua tot fulgentibus Luminibus, quot virtutibus resplendet. Excoluisti ingenium Tuum
ad usus Ecclesiæ maximos exactissime formatû in Lybransciano Athenæo. At huc in herba fru-
ctus virtutum prætulisti in vere autumnasti. Ivisti felici omne magnanima Indolis con-
sumatq; Eruditionis Tue ductu ad honorum amplitudinem. Quæsiuit in Domo Tua
Princeps in Regno Cathedra Gæsnensis Caput, invenit meritissimum, quàm ocularis vigi-
liis Sacris Lucubrationibus & meritis auxisti Cathedra Pisanicus & hæc Tus gloriatur
Nomine cum basilicam mentem Tuam fastigio Canonicius coronavit. Sed quasi erubescer-
et Fortuna capacem summorum animum Tuum non esse maiori honorum auctoramen-
to decoratum meritissimum de Ecclesiæ Domini Nomen Tuum maiori quia Archidiacono
natûs Srementsis dignitate ornavit. Pridem iam merueras natus ad omnia maxima hæc
dignitatis gloriâ insigniri; nisi Sacrum pacata humilitati pectus hæc vota disfulisses
ad frequentiore meritorum apparatus: ut non tam lætissima cleri corona, quàm ipsis
præfuisse virtutibus, rara exemplo modestiæ & pietatis; Fortunatum sanè regimen,
quod à virtutum exemplo deducitur, non à superba voluntatis arbitrio, cui non raro
contumax recalcitrat temeritas, fædo desperationis impulsu potestati Tue parendum
est, qui tam suavi imperas artes; ut in triumpho ducas victam animorum seriem ad
amissam gloriæ & virtutis. Brachium Pontificiæ potestatis iure optimo dici meruisti;
in cuius Authoritate Tua emineret gloria, felicitas triumpharet, adeoq; ex Avitis Tuis
LILII pulchrum coalesceret Coronamentum Capiei Sponsa Christi, Tui manus imponendû.
Theatrum Lucis publicæ hîc non ingredior quod Tu amplissimis meritis & virtutum magni-
tudine in Ecclesiâ Dei & Patriam complevisti supremum in Tribunali Regni munus cum
ea dignitate, eo cum boni publici studio integritate animi sustinens: Venerabatur mul-
tis vicibus Lechicus Orbis solida veri & iusti responsa quæ plusquam de Tripode loqui
consuevisti. Sed modicum est quod loqui mutus de Te Augustaq; Domo Tua audeat cala-
mus. Quæ ista pagella ut hæc capiat? si tamen Memphis si elinquem indueret Athim
officiosa Sepia, ipsa Historialis Chio seræ posteritati annalium ministerio in publicas
tabulas referet magnitudinem meritorum maiestatemq; honorum, qui Antiquissimæ Do-
mû Tue Cælorum Decreto, Senatûs calculo Principum Regumq; nostrorum prudentiâ
cesserunt. Non in Cimmeriis tenebris sepulta dignitatum Augustalia nec Persico ob-
secta velamento Lechicus Orbis videbit. Quidquid enim maximorum defertur munio-
rum Poloniæ, nihil non Augustæ Domui Tue in cuius immensam immortalitatis gloriam
sacræ Antistitum cessere Tiara, Trabeatæ Senatorum delatæ Curules suprema Gene-
ralatûs obigere potestates. Incisorum Dapiferorum Pocillatorum Regni oblata munia,
veneranda Legatorum obvenire caducea, Excelsa Indicum inclinata sunt Tribunalia
omnia deniq; honorum Patriæ summa, pleno cursu in Domum hanc Augustam septeno
plusquam


pulsuam Nili ostio defluxit gloriose: Alii aureo hamo cum Antonio vel aureo reti fu-
nibusq; purpureis cum Nerone Senatorias Purpuras honorumque Augustalia Piscantur:
Domus hæc assurgens cum Lethico Alite senio confecto & annis dignitatum fastigia, ipsi-
us duntaxat virtutis & meritorum magnitudinis intuitu ex asse vectigalia agnoscat.
Admittes ergo iam Perillustris & Reverendissime Domine. D. Olympionicem
CANTIVM apud Te inter candidam & niveam LILIORVM Tuorum maiestatem non
secus ac in Præstano Viridario hospitari & aternare ambientem. (Quem Nominis Tui
obseruantissimus, pronâ cum veneratione Tibi præsentis & dedico) Opella hæc cum nihil
ex se tanto nomine dignum habeat, ex hoc saltem illibato puræ innocentie symbolo LI-
LIORVM inquam duplici Termino commendetur. Cuius augustum Nomen ut inter Pur-
puratos Ecclesie proceres celsâ Tiara coronatum percurret Divino præfagus Enthei
& profunda veneratione summè voce,

Perillustris ac Reverendissimæ
Dominationis & Patroni

Dedicissimus servus

M. IOANNES STANISLAUS TARCZEWSKI

in Alma Vniuersitate Cracouiensi Philosophiæ Do-
ctor, in Posnaniensi Acad: Pœs: Professor,
Contubernij Szoldrsciani Præfectus.



ORATIO

Nihil adhuc sub sole vidimus, quod usitatis naturæ legibus, ob-
ratam parendi necessitatem, legitimo agnosceret obsequio; & ta-
men turpi inertis otii opprobrio iaceret implicatum. AA. Ni-
hil quod haud sterili natura partu communi auræ effudit, eo si-
mul corporis vitio laborare permisit, ut hæreat ad maiora prorsus immobi-
le pondus, Tarpeio peruicaciùs Saxo. Fæx ac cætera Orbis terrarum
germina, & quidquid vasto complectitur sinu utraq; Arctos, vix promiscu-
am cum luce hauserunt vitam; eò simul indefesso iter studio inchoarunt,
quò generosus cundi ardor ad metam votorum non segnes citauit passus.
Ipsa quoq; non mutarunt hîc Elementa fidem, quæ continuò agitata sti-
mulo ingratas segnescendi abiurant vices, unde graui vitio omninò suc-
cumberent. Torpescens aer pestiferâ inquinatur lue, Ignis violento oppres-
sus carcere, perumpit Acheronta altius eluctando. Etsi Astronomorum
subtilissimo annuere placet, Terram ipsam concentrico versari gyro, pro-
babilitatis conuincimur argumento. Aquam etiam graui castigatam vitio
Tomitani è voto vatis ni moueatur. Ergo ne quieti placidissimæ in terris
hospitari negatum est? Ergo ne feriari non expedit mundo? Ita omninò
est: perpetuum hîc Orbis agit Theopompum, Ephorum natura odit, qui
calcæaribus ad scopum gloriæ urgeretur. Dædaleam inuouamus artem, ubi sci-
licet pedum ratio interdicitur, pennis ad optima enitendum. Olympia quis-
quis nascitur inchoauit, brauium gloriæ attingit, qui non in decoro passu
legitimè certat immortalitatis coronamento decorandus. Ast quis quotusque
est qui tam pulchram gloriæ teteret Appiam? quis Herculeo ausu fragosum
virtutis in biuio non formidet iter? Vnum ante alios Te ego vestigali lin-
gua veneror compendiosum tor gratiarum opus Diuinissime Doctor Dive
IOANNES CANTI, qui semel fortunata hæc gloriæ & virtutis ingressus
Olympia, sacris impressisti vestigiis, quod secutura legeret ætas, posteri mi-
rarentur, Orbis deniq; vix crederet uniuersus, quæ Tu gloriosissimo præsti-
tisti exitu cum Te Terrarum Orbi exhibens, quem præsentî suada venera-
bor; Thaumaturgum scilicet sapientiæ & virtutis Olympionicem ad metam
Immortalis gloriæ eluctatum. Quis ego protanto Achille Homerus? Indulge
titubanti linguæ gratiam, Candidissime IOANNES, Inspira verba Divinissi-
me Doctor oro supplex ut exiguis licet tanti nominis laudibus non ingratas
commodet aures permittat animos Auditor Humanissimus in cuius cordis si-
nu per vestigia triumphalis cursus à me deductus conquiescas.

Plurimi decurrendo se se committunt stadio, ne quidquam veriti per-
fidiam Lesconis cum ferrea semente insidiantis. Spectares eiusmodi qui per
plana viarum effusè prouolant, alij per obliqua incitatissimè feruntur non
nulli pedibus diffidentes, vel aureo pomo celeritatem Atalantæ distine-
ant; vel instrata clauis Orbis palmam primi accursus ferre cum Regum va-
ferri.

ferrimo molliuntur, pauci vero, & vix annullo Pyrrhi inferendi, qui con-
 stanter currant, omnes licet cursum incipiant & auspiciato iam passu meti-
 antur. Plurimi in stadio currunt, rarus qui sanctior (Athleta teste Apostolo)
 brauium accipit: alij ne guttam quidem præmii post Oceanum curarum,
 deprehendunt. Magnum alij iter incipiunt, ubi è vestigio huc atq; illuc de-
 fessi titubant, hærent, in plano biuium clamant, & post in præcipitum rela-
 buntur. Vidit & nostra quam viuimus ætas huiusmodi Antagonistas, qui ad
 Olympicam palmam sine pedibus currunt, filum Ariadnæ in Labyrintho
 putantes à quibus nec attenditur passus, sed gradus ad palmam. Hyppo-
 dromos deniq; ad metam honoris & Nominis spectauit Orbis, verum pas-
 sibus ambiguis cursum maturantes. Omnes enim possumus habere initia ra-
 rus finem qui coronat. Felix qui sic vadit asperâ licet viâ non tamen cespi-
 tat in viâ, qui finis eundi multis est jacuisse. Inchoamus facile cursum, sed
 arduum est sterisse in meta. Dignos Ioue Olympio spectatore Antagonistas
 mundus tantisper mirabatur, ast ut Palladium cursorem Theodosii ita Gy-
 mnicos Scenicos Megarenses à cursu Diuiniore Athletæ CANTII relega-
 mus. Cursores ut intelligat Orbis multi currunt quidem ritu gregario CAN-
 TIVM duntaxat Thaumaturgum Olympionicem mirabili cursu suo unico
 brauium comprehendisse spectabimus. Cuius vitam duris non minus ac il-
 lustris Olympicis exercitiis contemplemur. Nascitur ex Deo natus in-
 terris D. Pusio, quem in cælo nasci decuisset, ni eò transferri fuisset
 gloriosius. Prima eius à summo cælo egressio. Olympo demissus ad Olym-
 pia decurrenda. Festo Ioannis Baptistæ nasci sibi contigit die; illo nemo
 maior surrexit inter natos, hoc nemo gloriosior in Regno sapientiæ. No-
 mine nec gratiâ dissimilis Baptistæ, uterque Numinis Præcursor, natus ille,
 iste mortuus, nisi quod illius super montana, huius sub montanis vox di-
 uulgata. Angulus est ubi natus CANTIVS, non alius certe nisi quem ve-
 nulinus memorat. *Ille terrarum mihi præter omnes Angulus ridet, rectissi-*
mus me hercule à quo vitæ recta linea pendeat. In abdito natus loco quia
 latent in abdito quæq; ditissima in concha pretiosus unio, nube velatur Ty-
 ran, inter pungentes Spinæ Rosa locum delegit. Felix uterus qui expecta-
 tissimo partu Ioannem resoluit. Ad Lauacrum Regenerationis Gratia No-
 men eius, Agnomen harmonicis modulis Cælum coronauit. Bene est Anna
 Parens, Genitor Stanislae uterq; Gratioli. Vt mare nihil est: nisi aquæ, Cæ-
 lum nil nisi sydera; sic Proles hæc sacra nihil nisi Gratia. Datum hoc non
 vobis magis Sancti Parentes quam nostræ Felicitati auctoramentum. Cre-
 scat ergo cum prole sacra Vestra felicitas, cui si crescentibus diebus nasci
 placuit perennes illi famulentur horæ. Verum non uni angulo natus, cu-
 ius Patria totus mundus. Prima annorum auspicia exorsus nondum satis
 ablactatus ex angulo in apricum erumpit. Paruos namq; non amat angu-
 los excelsa virtus. Macedo non immemor suæ virtutis ipsas petit noui Orbis
 oras. Vix enim uno lustro ætatem extenderat CANTIVS noluit otiosis do-
 mi voris primos annos terere, exorsus domesticis laribus inclusos sardana-
 palos quorum passus in molli arena corona etiam non ex Lauris. Exultauit
 ut Gigas ad currendam viam velociorem annis attollens virtutem. Placu-
 it D. Athletæ primum in illo scientiarum, Augustali & omnigenæ Eruditi-
 onis Palladio cælitus delapso Alma Matre Literarum Tyrocinium ponere.
 Vt sibi in puluere Palladio gloriosius Olympia metiri liceret. O diem ma-
 iori notandum sydere non gemmâ quo in Almæ gremium Parentis cum
 Ganymede ad Laureas properasti. Attulisti in Literarum arenam omnis re-

eti & honesti capax ingenium, ex quo sapere ipsa potuisset sapientia. Pro-
nitus ingerebant se Diuo Athletæ exercitamenta illa, nimirum fundamentum
sapientiæ profunda humilitas, quam Cælum serius amat, accedebat huic vir-
tus Iuvenum & Iuuenta virtutum modestia, Quis fando digne attingat pa-
rem ingenio memoriæ amplitudinem, quæ in omnium scientiarum cresce-
bat Amphitheatrum. In primo studiorum cursu nunquam extra virtutis me-
tam D. Olympionices, ut cæteros superaret seipso maior, Scopulos feliciter
ubiq; præteruectus, seu per Tullii flumina, seu per Aristotelis Eurippos cur-
reret. Et ut Equi pernitas alterius pernitate; sic in Regijs sapientiæ clas-
sibus ingeniorum sagacitas excitabatur sagacitate CANTIL. Verum longo
fatigatum cursu caput reponere sub Lauru D. Olympionice iam virtuti Tuz
præmiandæ pandit expeditum ad Laureas iter larga honoris Laureati Di-
spensatrix Academia. Gradiebaris continuo & ubiq; glorioso passu ad Lau-
reas Tibi transcendendum est quas in Philosophica arena ingenuis rigasti sudoribus.
Certaſti fortiori nisu & passu pro hac corona quam Hercules pro aureis
Hesperidum pomis. Verticem sapientiæ attigisti per acuta & abstrusa lite-
rati stadii in Eruditionis veræ arcem eluctando brauium cepe. Ergo Ter-
nionem coronarum obtulit Academia legitime certanti victorioso Athle-
tæ: victor namq; est cui herbâ porrigitur, quæ capiti eius insertæ plus ho-
noris acceperunt quam dederunt. Applaudebant Laureæ Tuum ultro am-
bientes verticem Almæ Matri Academix quasi magnam ex Te felicitatem
intelligerent, cuius stupendo adminiculo hætenus altius eriguntur quàm
olim in Capite Persei stupente Româ pullularint. Nunc verè sacra Laurus
es quæ tempora Diui Athletæ coronasti. Ergo ne distentam vento super-
biam peperit Laurea CANTIO? minime AA placet aliis superba Docto-
ralis fastigij nomina Dædaleis in altum erigere pennis unde fastu & por-
tentoso præsumptionis scientiæ tumentes euentu cristas attollunt. D. O-
lympionices profundioris viam humilitatis ingressus Laureatus. Supponit
alacres operosæ Professioni humeros, in dicit sibi legem laboris gloriosis
passibus stadium Philosophicū coronaturus Audire toties sapientum Porticus
Doctissimum in Cursu Philosophico Olympionicem in præliarici Disputationis
arena decertantem. Vidit Peripatus & coluit semper triumphantem. Præses
Philosophicus factus Decanale induit Paludamentum, documentum terris da-
turus, glorioso passu certanti, non Coronas tantum; etiam purpuram debe-
ri. Ad pulcherrimum hoc decus non viâ hanc quâ sæpe ac facile itur, sed
Gigântheo passu perfaxa & rupes laborum processit: gloriosius hanc potius
rem Romanis Togam non tam murice Tyrio verius labore & sudore tin-
ctam induit & tractauit, quàm suam olim Chlamydem Demosthenes inter-
dum meta difficultatum explicuit. Hanc in offenso Decanalis Honoris Cursu
ferendo Dibapham Purpuram non titubauit sub istiusmodi pondere Atlas
Magnanimus; Verùm ipsâ officii mole ad maiora excitabatur palam professus
est: quod Diua virtus cessare nesciat; imo honore & labore ut flamma
ventorum flammæ excitata ardua petit. Non recenseo in docendo & argu-
mentando subtilitatem, hæc namq; verbis percurrere quæ in hoc Philoso-
phantis gloriæ stadio D. Olympionices fecerit operosum nimis & magni
moliminis est argumentum. Vnum id quod omnium augustissimum est Ho-
meri Iliadem nucleo inclusurus memoro: Publica Doctorum certamina
quoties scrutaturus adiit D. Olympionices licet tot punctus aculeis in seria
Disputantium Crysi non vindicauit iniuriam, nec ad verba aspera etiam
ludibrijs vexatus descendit, imo nunquam ad Mysticas aras D. Athleta ac-
cede-

cedebat, ni prius Sacro passu ostiatim Antagonistas deprecaretur. Vnde legendum modestæ suæ parietibus exhibuit argumentum.

Conturbare caue, non est placare suave.

Diffamare caue, nam reuocare graue.

O vocem Ioannis auro gemmisque potiozem ipsis æternitatis saxis ad securæ posteritatis eruditionem incidendam. Non humani partus est ingenij sed Cælituum Oraculum. Infelix conturbare felix caue. Alii eluctantur ad sublimia honorum per vastos rerum anhelitus. D. Olympionices dignitates omnes contemptui habuit præter Regale Sacerdotium fastidiendo omnia honorum fastigia, quæ dum ornant onerat. Fallax quippe est, ipsum Regale Dominium, à Fortuna collatum tradit hæc solia ut rapiat ex illis spolia. Parum est, si cum Iulio Cæsare Romanos offerat fasces, statim enim funebres accendit facès, felicius sacerdotum Regnum, quia plusquam Regale, ad quod CANTIVM mens æterna delegit, virtus albis evexit iugalibus. Non memoro eius ardentes Sacrarum Orationum Eiaculationes, quarum ascensu D. Noster Olympionices ipsum cælum petebat. Ardebat amore Dei sanctior Arsenius, nec Erydano exstinguendus. Et ne pluribus laboraret Oratio, palam Orbi exhibet dolorosa compatiens dolenti Filio Mater Maria, qui utriusque Passioni ita se conformauerat; ut ne ipsis doloribus à Nouissimo Viro Dolorum Rege pacifico diuelli potuisset. Agebat ad ostium Collegii excubias cum noctis silentium tenerent omnia Diuinior Cherub, ne quid infestum & immane in abdita Musarum Iagelloniarum irreperet aut irrumperet. Contra hanc Portam fulminet Annibal non Punicus sed atrox, minimè præualebit cum ad eam Ianua Cæli patientis Filii gemebunda Parens stat etiam nec post fata CANTII ab illo loco passa separari. Quid memorem ad Ecclesiarum Cathedras Diui Athletæ digressum in quibus Diuini Præco Verbi, melleam Ambrosii suadam aureum os Chrysostomi, Igneum Basilii zelum in se exhibendo, aureis velut Catenis, non aures solum sed animos audientium, Hercule Gallico felicior attrahebat. Cernuus veneror scripta in Euangelia D. Matthæi volumina in prodigia sæculorum itura, quæ quoties legent posteri facile credent diutius CANTIVM scripsisse quàm vixisse. Posuisses metam his Angelicis & Diuinis cogitatis, nisi ad agonem mortalitatis euocatus stetisses in meta. Egerat Officium Ilcussiensis Pastoratus, plenus vbique Deo, aliud ne quæras metallum Ilcussia quod è diuite munificæ terræ penu emanat, profert Tibi Terra plumbum. CANTIVS diuitiis animosus. Tuis aurum, quia Caput eius aurum optimum. Sed ut se verum Olympionicem immensa viarum Olympia decurrentem ostenderet, impigro & alacri animo non aliter ac si cursui natus, celeritate etiam Africano maior, magnum ingreditur iter, Patriam sibi mundum proficitur; ut liceret ampliozem virtuti Campum dare, contendit Romam, cauat validis passibus vestigia, dignam Orbis Prodigio sapientiam transiliens colles septicolli Vrbi ostensurus Patiarc D, Olympionice hæc Tibi à me dici Calcaneus iam sanguine manat, vestigio lacerò, & vulneribus hiantes, obuiam habes immanem Prædonum multitudinem, feris ac serpentibus obsessum iter, Ast inter labores & viarum discrimina versari, Athletæ nostro animi laxamentum, celeritate pernici omnia peruadens asperitatem viæ minimè fastidit. Bene est Diue Olympionice cum ergo iuxta Macedonicum illud Patrius Orbis Te non capiat, calentes alio sole terras illustraturus pete, portans Nomen Domini coram Gentibus. Ducat Te feliciter

per

per obstantes latronum cateruas trita iam trinâ vice viâ indiuiduus itineris comes Sacer Genius: & velut olim Homerici Dij Achillem suum cauâ nube ut sine noxâ versaretur, inter hostium turmas operuere Te suis portet manibus. Abiit ex oculis non animis viâ lacted in illam lacte & melle manantem beatiorē Regionem ut palmarem in Vaticani culmine circum decurreret, æstu, siti, Inediâ, puluere, sole, ventorumq; rabie, corpus suum macerat, cespiti duro cubando, capaciore dignam Orbe sapientiam, quæ intra Orbis Lechæi portionem concludi non poterat potenti Romæ præsentat. Vbi circos & Amphitheatra habuit non meruit dubium inter attonitas illas nationes quibus limacius iudicium est fecit, Diuinitatemne eius magis quàm humanitatem mirarentur. Non Peregrina tantum Ingenia, quibus tota in cerebro vis, etiam victricem Romam vicit. Sed Diuiniore afflatus Entheo pergit citato cursu terras, in quibus Assertor noster operatus est salutem Hominis, solymæ, vestigia Christi in lachrymas diffusus irrigat: Quoties sacro calcasti passu illam patientis Dei arenam, toties nouus Perseus non florem sed mensem coronarum in brauium tulisti. Sed habet obuiam fraudulentos Lesciones D. Olympionices iter omne acutis hamis innodantes, nimirum excubantes in itinere latrones: iam hi frontem petunt, hi procurrunt in latera, cæteri terga circumuolant.

O Scelus ô veterum Proles Vesana Gigantum

Iam ne iuvat bellare Diuis?

Furæ Erebusque negarent tantum atrectare nefas, Amaltheæ Penu, Midæ loculos, cornucopias, procul à CANTIO remouit pietas. Ebria humano sanguine monstra, cursum mobilis & inquieti Athletæ minimè hæc remora fremabitur. Illum enim nec Chymææ spiritus igneæ, nec si resurgat centimanus Bryareus diueller unquam à cursu, imo bene est ne nimio gravamine oneretur Diuus Olympionices alleuiastis. En offert sponte seruare auri portionis oblitus metallum humanæ irritamentum malitiæ. Sed stupendam agnoscunt latrones CANTII sanctitatem, acceptum referunt, angusta saltuum, patentia effusaque camporum obstruentes, & insidiantes, deserunt, scelera sua confessi à CANTIO salutem nacti sunt. Transfer iam Athalantæa velocitate Diuiniore Hyppomenes cursum Tuum in Patriam, cui mille desideria Tui reliquisti, it in Tui venerationem tot itineribus quot amoris passibus Craci Vrbs exceptura non indecoro puluere reducem, suæq; spei gratulaturæ Te non dubium futuris rebus auspicem. Exceptit non Leonibus Elephantisq; inuectum, sed Ciuium votis Patriæ & Vrbi illatum. Quem cum inferentem citatum cursum nostro sole calentibus oris, cerno & sequor, immensa luculentæ virtutis & prodigiorum lego vestigia. Primas semper habuit inter curas omnibus Pharmaca salutis Thaumaturgus morborum Galenus propinare, ærumnis pressos erigere, concurrebatur ad eum undique & nemo arcebatur, etiam ad mortiferum virus, insanam Phrenesim, rabiosam Pestiferæ Erynnis luem celeri passu vertebat pedem, adeo ut rursus corporeos animæ in artus mitterentur. Occurrebat sæpe vacillantes ad se passus figentibus medelam & vitam daturus, soli duntaxat contumaces spiritus ad Orci fauces præcipitati, cum prostrata insolentia debachantis in hirundine spiritus. Dux Erebi exarsit tum in tumidas iras prælia meturus D. Athletæ furæque Regna Proserpinæ contremuerunt. Omnes complexus victorias hic Triumphus in unico Ægis monstro pro-

G *Arato.*

strato. Leget posteritas votiva Urbis Craci lemmata, fumabat hæc velut
Neptunia Troia propriis inuoluenda cineribus cui saluandæ CANTIVS
perinde atque olim mediis ardentis Troiæ ignibus Penates Deos Reliquias
Danaum Anchises diuinior præcipiti passu & interuentu procurrit, vola-
uit. Loquitur dulci susurro Rudaua prodigiosum Olympionicem miseran-
ti ancillæ ipsâ festinatione infelici CANTIANÆ sanctitatis miraculo in
lac merissimum mutatus. Appello testes gelidas nives & rigentem frigore
noctem, quæ pauper Christus constringebatur, sed exæstantis CANTII a-
more & pallio tectus, sciuentis brumæ algores propulsauit. Verum porro,
etiam rigenti frigore egeno vestem, oranti CANTIO Augustissima Impe-
ratrix MARIA sacratis manibus citò reddidit donanti. Age Diue Olympio-
nice & in plausum surge triumphalem dum ipsum Dæum vadem an spon-
sorem Tux munificentiz, Tuxque charitatis heroicæ habuisti, nunc hæ-
reditatem possides. Enimvero cum vita nostra nihil aliud sit quam cursus
ad mortem laboramus quidem cuncti ut diu viamus, currimus tamen ad
terminum, nimirum ad unam metam properamus. Olympia vitæ & gloriæ
sacrique honoris, qui egregiè decurrit, stelliferum Olympum feliciori de-
curret calcaneo. Emensus iam vitæ stadium Diuus Olympionices meri-
tis satur, æuique plenus, ad beatas æternitatis Empyreas sedes iuit imo vo-
lauit. Bonum certamen certasti cursum consumasti D. Athleta, ingrede-
re lacteam cæli viam, ingredere diu Te præstolans æternitatis capitolum,
appropinquat Tibi corona iustitiæ, sternit iter latè per altos ingressuro
splendores cælum, cuius à summo cælo egressio. Permisit morti ut eius
clauderet oculos Cracouiz, quam virtutibus & vitæ miraculis, Palladem
Iagellonicam gloriâ & eruditione repleuit. Dicam quod sentio Stanislaum
& Annam Parentes natus habuit, eisdem Cracouiz renatus ut habuisset ex-
pediebat. Felix qui sit cursum suum potuit maturare. Quieuit à laboribus
CANTIVS. O quies illi dulcissima mæsta desertis Funesta decurrit Olym-
pia, sed cælum liliato subiuit tramite, subtractus terris Diuinior Herosta-
tes ad ampliora in æternitatis cursu stadia decurenda. Sed quæ ista cælorum
aduersum terras inuidia? in rapinam animæ sanctæ expedita? acerbissimum
mouistis dolorem inuida fata, dum vitales spiritus CANTIO præcidistis.
Ast meretur ut æternum viuat. Egit animam CANTIVS, datiq; metas per-
uenit ad æui, cum Infans Deus Orbi Nasceretur. Ducat Apelles dolor
splendida virtutis & Sapientiæ CANTIANÆ lineamenta, Lyssipus celo in-
signem vultum figuret, ut in posthuma imagine æstimer admireturque pos-
teritas rectè factorum lineas, & sanctitatis proportioncs. Cum ergo iam
Tibi parca quies, omnisq; in limine portus Diue Olympionice volucris
Te acclinis gradu prosequor. Impar capiendæ laudum Tuarum magnitu-
dini mea tenuitas tarde gradienti oratione assequi Te non potest amplio-
ri curiositate non audet terminos enim non inuenit, sed Elogiorum My-
riades. Imbellis musa mea vetat ingentia miracula Tua Orationis angustis
concludere, ad quorum aspectum nimirum votiva ad Augustos Cineres
Tuos miraculis hodie illustres Anathemata niētant mortalium palpebræ.
Intra insolitæ admirationis confinia standum mihi est. Res postulat Diue
Olympionice ut armis hoc & Triumphis nobile solum, contra quod Bel-
luæ Parricidiorum furijs agitata Christianæ rei fax & pestis compedes reli-
quo Orbi minitans, tot inquinamenta nationum, Scythicam rabiem uni-
versamq;

versamq; Thauricam armans hostis Sacra Tua manu conteratur altera Or-
 thodoxus Orbis erigatur, Præstitisti id novo nuper experimento, cum pro
 Orbe Christiano stetit in liberata Viennâ plusquam Hector pro nativa
 Troia vel Annibal pro Carthagine. Servando Regni nostri moderatori Io-
 ANNI III. destinârunt Te boni superi, dirige gressus eius, ut fines Imperij
 extendat, cuius vestigijs nova succrescant Trophæa. Furens deniq; Mars
 totis in virtute Tua artubus contremiscat. Episcoporum Seminarium Per-
 augustum Cathedræ Posnaniensis senaculum honorum amplitudine & for-
 tunato in omnibus successu corona. Gaditaneum illi plus Ultra nominis &
 gloriæ ministrando. Sæculis viuaciorem Generalem Regni nostri Scholam
 Maiestatis Alumnâ Almam meam Matrem triumphali ubique passu proce-
 dere fac, ac triumphando perennare. Magni Lubranscii Pinus cuius pul-
 chra coma est, pulchroq; Ordine digestæ frondes fac Dive Olympionice
 durando sæcula vincat quæ rigante Te vireseat. Cuius sub umbra in Pal-
 ladio pulvere certantes stadiodromos, non stationarios neque retrogrados,
 sed veros Athletas Orbi & Vrbi huic siste. Nondum in meta positis viato-
 ribus inuiam ad brauium Visionis Beatificæ capessendum monstra-

viam, unâ mecum, qui Te verbis Oratorios (ut fatear in-
 genuè) transgressis limites Thaumaturgum sapientiæ
 & virtutis Olympionicem esse.

D I X I.



APPLAVSVS

Nomini Augusto & honori

RYDZYNIANO

à Musarum Choro institutus.

Dvm blanda veris ridet amœnitas,
 Et terra gratis spirat ethesijs,
 Nemusq; frondosæque sylvæ
 Rore graues referunt capillos.

Comasque crispant, lenè virentibus
 Nutando fertis. Nonne hilares iuvat
 Cantare scenas nonne lætos
 Pieria resonare buxo,

Audebo

Audebo plausus? Iam Tua candididis
 Se se Ligustris LILIA porrigunt
 Tristesque iam candore brumás
 Expediunt gelidumque virus.
 Quanquám feroces RIDZINIVS nitor
 Pridem rigores calcat, aménitas
 Híc sola regnat, solá veris
 Grata viget facies decusque.
 Non bruma mæstos oggerit impetus
 Nec tristis instat cominus exitus
 Fatalis Euri, Fama vernat
 Perpetuo redimita vere.
 RIDZINIANI conscia Nominis
 Tantisq; pridem sacra Penatibus
 Virtus, & excelsi propago
 Auspicii generosus ardor.
 Aris, & armis debita veritas
 Versando celsas, Iustitiæ vices
 Hostes premendo, barbarorum
 Et Scythicas geminando clades.
 Intaminatis claret honoribus
 RIDZINIANI gloria nominis
 Togaq; bellaci sagoq;
 Purpureis spectiosa lustris
 Hinc poscit alti fœdera sanguinis
 Cognata Magnis fama Penatibus
 Sublime Lecheo in Trione
 LESCINII CAPVT instat VRI
 Insiste magnis gloria passibus
 Laurusq; calsa suppositas pedi
 RIDZINIANO pande Mitras
 Præfuleum geminando munus.

Cecinit

Obsequentiſſimus Nepos

Adamus in Malezewo Málczewski

Poés: in Acad. Poſn: ſtud.





8100013458

Biblioteka Jagiellońska

